



Комисија за одлучивање о sukobу интереса

Komisija za odlučivanje o sukobu interesa
Povjerenstvo za odlučivanje o sukobu interesa

Broj: UP KSI 01-07-2-7/17
Sarajevo, 16.05.2017. godine

Odluka je konačna sa danom 16.05.2017. godine

Potpis ovlaštane osobe



Na osnovu člana 18. Zakona o sukobu interesa u institucijama vlasti Bosne i Hercegovine („Službeni glasnik Bosne i Hercegovine“, broj: 16/02, 14/03, 12/04, 63/18, 18/12, 18/13), člana 15. Pravilnika o postupku („Službeni glasnik Bosne i Hercegovine“, broj: 56/14) i člana 16. Poslovnika o radu Komisije za odlučivanje o sukobu interesa („Službeni glasnik BiH“, broj 51/14), Komisija za odlučivanje o sukobu interesa (u daljem tekstu: Komisija), na 12. sjednici, održanoj dana 16.05.2017. godine, u predmetu Slobodan Stanić, iz Novog Grada, donijela je sljedeću

ODLUKU

Neće se pokrenuti postupak za odlučivanje o sukobu interesa protiv Slobodana Stanića, zamjenika direktora Agencije za razvoj visokog obrazovanja i unapređenje kvaliteta Bosne i Hercegovine.

Образложење

Komisija je dana 24.04.2017. godine zaprimila neanonimnu prijavu protiv Slobodana Stanića u kojoj se navodi da imenovani istovremeno sa funkcijom pomoćnika direktora Agencije za razvoj visokog obrazovanja i unapređenje kvaliteta Bosne i Hercegovine u kancelariji Banja Luka obavlja i funkciju odbornika u Skupštini opštine Novi Grad, na osnovu čega se traži utvrđivanje sukoba interesa kod navedene osobe.

Komisija je provjerila navode iz prijave, prikupila podatke od Centralnog registra hartija od vrijednosti a.d. Banja Luka, te izvršila provjere kroz službene baze podataka.

Uvidom u naprijed navedeno utvrđeno je sljedeće:

- da Slobodan Stanić obavlja funkciju zamjenika direktora Agencije za razvoj visokog obrazovanja i unapređenje kvaliteta Bosne i Hercegovine od 04.07.2016. godine;
- da imenovani kao zamjenik direktora Agencije za razvoj visokog obrazovanja i unapređenje kvaliteta Bosne i Hercegovine ima status nosioca izvršne funkcije, kako je to definisano u članu 3. stav (1) tačka f) Zakona o sukobu interesa u institucijama vlasti Bosne i Hercegovine;
- da imenovani obavlja funkciju odbornika u Skupštini opštine Novi Grad, te da je mandat odbornika osvojio na Lokalnim izborima održanim u 2016. godini;
- da istovremeno obavljanje navedenih funkcija ne dovodi do sukoba interesa kako je to definisano Zakonom o sukobu interesa u institucijama vlasti Bosne i Hercegovine;
- da na osnovu raspoloživih informacija nema elemenata za pokretanje postupka protiv Slobodana Stanića, zbog eventualnog kršenja odredaba Zakona o sukobu interesa u institucijama vlasti Bosne i Hercegovine.

Članom 18. stav (1) Zakona o sukobu interesa u institucijama vlasti Bosne i Hercegovine propisano je da Komisija može pokrenuti postupak iz svoje nadležnosti na osnovu svoje odluke povodom vjerodostojne, osnovane i neanonimne prijave ili po službenoj dužnosti u slučajevima kada raspolaže saznanjima o mogućem sukobu interesa izabranog zvaničnika, nosioca izvršne funkcije ili savjetnika. O pokretanju ili ne pokretanju postupka Komisija donosi odluku u pisanoj formi.

Obzirom da Zakon o sukobu interesa u institucijama vlasti Bosne i Hercegovine ne propisuje zabranu istovremenog obavljanja funkcije zamjenika direktora Agencije za razvoj visokog obrazovanja i unapređenje kvaliteta Bosne i Hercegovine i funkcije odbornika u Skupštini opštine Novi Grad, to u konkretnom slučaju nije došlo do povrede odredaba Zakona o sukobu interesa u institucijama vlasti Bosne i Hercegovine, pa je Komisija donijela odluku kao u izreci.

POUKA O PRAVNOM LIJEKU:

Protiv ove odluke nije dozvoljena posebna žalba.

Dostaviti:

- imenovanom
- dosije
- a.a.

